

春秋取義測
第四冊

PL
2470
26 F32
1794a
V.4



春秋穀梁傳卷之十

陽明先生

公

正月公即位

公即位

公即位

公即位

公即位

公即位

公即位

春秋取義測卷之十

膠州法坤宏

昭公

元年春王正月公即位○叔孫豹會晉趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于虢

宋牼之盟楚再先晉而春秋不以楚先者仍史文之舊史臣文例不以外加內

三月取鄆

鄆故我邑棄莒亂取之書如取濟西田之例

夏秦伯之弟鍼出奔晉○六月丁巳邾子華卒○
晉荀吳帥師敗狄于大鹵

羣狄之在無終者是後狄不復見滅于晉也

秋莒去疾自齊入于莒莒展輿出奔吳

莒人弑君立展輿既又納去疾而逐展輿乃庶
孽爭國如齊小白鄭突之類展輿不書爵不能
君也

叔弓帥師疆鄆田

帥師疆田爭也春秋嚴義利之辨苟有爭焉利
也故雖疆田亦書汪克寬曰春秋書假田者一

譏予之之非義也書疆田者一譏取之之非義也

葬邾悼公○冬十有一月己酉楚子麇卒楚公子比出奔晉

書比出奔于麇卒之下因亂而奔也楚虔之弑其君也

二年春晉侯使韓起來聘○夏叔弓如晉○秋鄭殺其大夫公孫黑○冬公如晉至河乃復季孫宿如晉

志公不得于伯國為後孫而不返起文

三年春王正月丁未滕子原卒

左傳同盟故書名薛伯穀書名同此例

夏叔弓如滕五月葬滕成公○秋小邾子來朝○

八月大雩○冬大雨雹○北燕伯款出奔齊

四年春王正月大雨雹○夏楚子蔡侯陳侯鄭伯

許男徐子滕子頓子胡子沈子小邾子宋世子佐

淮夷會于申

楚執伯權也不殊淮夷者

據桓白二會殊吳

同于其類

乃春秋之特筆

楚人執徐子○秋七月楚子蔡侯陳侯許男頓子

胡子沈子淮夷伐吳○執齊慶封殺之

為齊討也不曰殺齊慶封而曰執齊慶封殺之
者不以討賊之詞予楚也慶封不為靈王服也
遂滅賴

會申執徐子伐吳殺慶封滅賴詳書楚事志蠻
夷憑陵之禍

九月取鄆

鄆滅矣復見鄆者莒亂其宗而使為己屬國故
在也內滅國曰取

冬十有二月乙卯叔孫豹卒

五年春王正月舍中軍

季孫專魯也特書舍中軍民莫在公政逮于三家也左傳卑公室也得書法之旨

楚殺其大夫屈申○公如晉○夏莒牟夷以牟婁及防茲來奔○秋七月公至自晉○戊辰叔弓帥師敗莒師于蚡泉○秦伯卒○冬楚子蔡侯陳侯許男頓子沈子徐人越人伐吳

自盟宋以後至于乾谿多書楚事而晉事之見于經者希矣晉之不競啟寇納侮楚不義而強適以自斃均堪為後戒也

六年春王正月杞伯益姑卒○葬秦景公○夏季
孫宿如晉○葬杞文公○宋華合比出奔衛○秋
九月大雩○楚薳罷帥師伐吳○冬叔弓如楚
時諸侯兩事晉楚夏季孫宿如晉冬叔弓如楚
即魯事可槩見

齊侯伐北燕

納燕伯款也不書納非納也以納款為名也書
伐而已矣

七年春王正月暨齊平

齊侯前使慶封來聘未幾我受其國賊好不終

至是始暨齊平也九年仲孫矍如齊自是繼好
息民終昭公之世時齊景有繼伯之志故亟求
諸侯而親魯春秋之義蓋善之

三月公如楚○叔孫舍如齊莅盟○夏四月甲辰
朔日有食之○秋八月戊辰衛侯惡卒

衛侯惡與其臣齊惡同名

衛齊惡見昭元年于歸

春秋不

譏穀梁曰重其所以來王父名子也

九月公至自楚○冬十有一月癸未季孫宿卒○
十有二月癸亥葬衛襄公

八年春陳侯之弟招殺陳世子偃師

經書殺世子凡三

晉獻宋平陳招

申生與痤皆目君惟

偃師之殺目招明殺之不出於君也罪招也陳
侯之弟招即陳公子招弟以親言公子以位言
義繫乎親稱弟義繫乎位稱公子

夏四月辛丑陳侯溺卒

書溺卒于殺偃師之下以亂卒也

叔弓如晉○楚人執陳行人干徵師殺之陳公子
留出奔鄭

書曰楚人執陳行人干徵師殺之罪不在行人
也陳公子留出奔鄭預聞乎故也偃師曰世子

留曰公子別嫡庶著亂之所由起

秋蒐于紅

蒐國事不言大何

據比蒲昌間皆言大

公不得為政也意

如舍中軍因田事簡軍實傳云大蒐于紅革車
千乘經書蒐不書大明出季氏之私

陳人殺其大夫公子過

亂黨相殺也據傳公子招歸罪於過而殺之首
惡者招而曰陳人分惡於陳人也過亦亂黨不
言殺過而言殺大夫春秋之法不以亂易亂

大雩○冬十月壬午楚師滅陳執陳公子招放之

于越殺陳孔奐

滅人之國而宥殺世子之賊直書其事而罪自見招稱公子謂據位當國殺孔奐不書大夫以賊討也黨亂之臣宜得誅罪

葬陳哀公

國已滅矣而書葬之文無異詞

據葬紀伯姬稱齊侯乃陳

人葬之據傳輿嬖袁克殺馬毀玉以葬而逃當顛沛之際而臣子之禮不廢春秋特著之以示教義

九年春叔弓會楚子于陳

時楚子在陳史故以會陳立文春秋筆之見不與楚滅陳之義

許遷于夷

許自成十五年遷于葉至此又遷凡四遷而卒滅于鄭春秋詳錄之以見許危弱不能自守而終於必亡而已矣

夏四月陳災

先王經理天下諸侯守國大夫保家庶民以下各安井授國有常尊民有定志所以興教化美風俗也春秋之亂王迹熄矣孔子修春秋以存

王迹故於滅國必重而書諸侯奔復必重而書
觀其所書而義著矣陳已為楚滅而春秋書葬
陳哀公叔弓會楚子于陳陳災公羊以為存陳
晁合經旨

秋仲孫矍如齊○冬築郎囿

囿者有垣之苑桓四年狩于郎莊十三年築臺
于郎今復築郎囿勦民以為游觀比書之以示
譏

十年春王正月○夏齊藥施來奔○秋七月季孫
懿如叔弓仲孫矍帥師伐莒

三家專魯也伐國無同倫共帥之法列序之如國君大夫張也

戊子晉侯彪卒九月叔孫舍如晉葬晉平公○十有二月甲子宋公成卒

十有一年春王二月叔弓如宋葬宋平公○夏四月丁巳楚子虔誘蔡侯般殺之于申

楚虔蔡般皆弑君之賊春秋並斥之等諸兩賊相殺如公子棄疾殺公子比之例書誘殺惡誘殺也

楚公子棄疾帥師圍蔡○五月甲申夫人歸氏薨

○大蒐于比蒲

特書大國事也君有大喪國不廢蒐譏非禮也
仲孫纁會邾子盟于祲祥○秋季孫意如會晉韓
起齊國弱宋華亥衛北宮佗鄭罕虎曹人杞人于
厥慙

會于厥慙謀救蔡也不言救不成救也書法如
兩夷儀之不言伐春秋之義不以伯事責晉
九月己亥葬我小君齊歸○冬十有一月丁酉楚
師滅蔡執蔡世子有以歸用之

殺般言誘誘殺非法也執有稱世子世子非有

罪也前書楚子虔誘殺蔡侯般明不予楚以殺賊此書楚師滅蔡執蔡世子有以歸用之明不予楚以討罪

十有二年春齊高偃帥師納北燕伯于陽

書于陽明未入于國也燕有君矣北燕伯不名前已見于奔

三月壬申鄭伯嘉卒○夏宋公使華定來聘○公如晉至河乃復○五月葬鄭簡公○楚殺其大夫成熊○秋七月○冬十月公子慙出奔齊

公子慙謀弱私門張公室春秋書奔以罪之准

以王正之義乃不以撥亂之權歸諸侯

楚子伐徐○晉伐鮮虞

伐鮮虞非諸侯之事文告不及魯史略之故稱
晉伐所謂傳聞異辭也春秋備志之明不以伯
事責晉

十有三年春叔弓帥師圍費

家臣強也書圍費費叛也不書叛內邑也大書
圍治叛也為後墮三都起文

夏四月楚公子比自晉歸于楚弑其君虔于乾谿
書弑其君于公子比歸之後歸惡于比也國亂

君弑比利其位而有之春秋正名定罪示後世
臣子遇君父大難知權而守之以正無身名俱
喪自陷於不義也然則為比者宜如何公羊子
曰比之義宜乎效死不立

楚公子棄疾殺公子比

比已君矣殺稱公子者不成之為君也比乃賊
也不曰楚人殺比而曰公子棄疾殺公子比者
不予棄疾以討賊也黨亂爭奪攘比而代之位
棄疾亦賊也兩賊相殺則當國者受惡書曰楚
公子棄疾殺公子比而棄疾之罪著矣

秋公會劉子晉侯齊侯宋公衛侯鄭伯曹伯莒子
邾子滕子薛伯杞伯小邾子于平丘八月甲戌同
盟于平丘公不與盟

平丘之會間楚難也德音不加而恃力以相尚
其與幾何公不與盟史臣內詞所謂婉而成章
者春秋特筆之以為義不足與也黜晉伯也○
書同盟止此

晉人執季孫意如以歸公至自會○蔡侯廬歸于
蔡陳侯吳歸于陳

楚平即位封陳蔡而復之蔡廬陳吳之歸乃其

入國來告之詞春秋大書之如失國之君之自
為歸者明蔡陳先王建國非楚所得滅亦非楚
所得封也所謂筆削舊史以達王事

冬十月葬蔡靈公

般已身死國滅法無容施葬者臣子之事無以
議為也

公如晉至河乃復○吳滅州來

十有四年春意如至自晉○三月曹伯滕卒○夏
四月○秋葬曹武公○八月莒子去疾卒○冬莒
殺其公子意恢

意恢稱公子義在罪殺君之親

十有五年春王正月吳子夷末卒○二月癸酉有事于武宮籥入叔弓卒去樂卒事

因事記禮之變也變而失禮書以示戒變而合禮書以示法

夏蔡朝吳出奔鄭

朝吳亡國遺俘處危疑之地不能以忠信自持杜讒慝之媒乃惑於無極邪說卒為所構觀胡傳罪吳之義仕於亂邦者宜知所戒

六月丁巳朔日有食之○秋晉荀吳帥師伐鮮虞

頻書晉荀吳伐鮮虞滅陸渾見伯主失政臣下各驚其私

冬公如晉

十有六年春齊侯伐徐

平丘之會晉遂失伯列國復擅相征伐伐徐其始事矣故叔孫昭子曰諸侯之無伯害哉○李廉曰此為晉伯既衰齊景公爭伯之始事

楚子誘戎蠻子殺之

蠻夷相殺不志以出於誘殺特著之以甚其惡
夏公至自晉○秋八月己亥晉侯夷卒○九月大

雩○季孫意如如晉○冬十月葬晉昭公
十有七年春小邾子來朝○夏六月甲戌朔日有
食之○秋邾子來朝

春秋之作聖人所以存王迹朝聘之地典章文
物之所司有識者于此徵得失焉見于來魯如
吳札之觀樂韓起之觀書小邾子之賦詩邾子
之論官一時賢人君子識大識小之遺猶有存
者春秋不徒志朝聘也

八月晉荀吳帥師滅陸渾之戎○冬有星孛于大
辰

大辰大火心為明堂天子之象當宋之分野故
宋衛陳鄭同日災氣所溢也厥後王室亂宋亦
亂衛亂君奔陳師敗卿獲彼術家之言非妄矣
乃鄭有令政獨無後災傳載子產之言知災變
有可轉移之道

楚人及吳戰于長岸

書楚人及吳戰外吳也於是南北兩伯楚比于
內矣

十有八年春王三月曹伯湏卒○夏五月壬午宋
衛陳鄭災○六月邾人入鄆○秋葬曹平公○冬

許遷于白羽

十有九年春宋公伐邾

特筆也正入鄆之亂春秋錄而進之

夏五月戊辰許世子止弑其君買

正名歸惡譏子道之不盡張洽曰止進藥而藥殺其所以異于商臣蔡般者過與故耳心雖不同而春秋之文一施之以臣子之于君父不可過也

己卯地震○秋齊高發帥師伐莒○冬葬許悼公據傳許悼公瘡飲太子止之藥卒太子奔晉是

心已服其罪故公羊子有君子赦止之說宣十
二年春葬陳靈公公羊傳例曰書葬君子詞也
同此旨

二十年春王正月○夏曹公孫會自鄴出奔宋
會無大夫特書公孫會錄會也不得於時君待
罪竟上以放去書奔著其罪也書自鄴出不怙
其罪也遭廢黜而不失其道視夫專土擅邑與
君校命者有間矣春秋之季世多叛大夫特錄
之以示教

秋盜殺衛侯之兄縶

賤者窮諸盜公孟為齊豹所殺則卿也其目之
為盜何殺繫者豹而所與比以殺者實宗魯宗
魯死琴張將弔之孔子曰齊豹之盜而孟繫之
賊汝何弔焉春秋書盜之旨如是

冬十月宋華亥向寧華定出奔陳○十有一月辛
卯蔡侯廬卒

二十有一年春王三月葬蔡平公○夏晉侯使士
鞅來聘

按傳爭牢禮時晉政多門來者各務厭其私禮
好不結而財求無度聘義亡矣自是聘不復譏

宋華亥向寧華定自陳入于宋南里以叛

襄昭以前之大夫有書奔者未有書叛者書叛自孫林父始大夫張也而叛有奉孫以晉華向以陳楚皆亢不衷以獎亂者春秋特筆之晉荀吳會齊衛曹師救宋不書為逸賊也討叛而逸賊是亦與於叛者矣

秋七月壬午朔日有食之○八月乙亥叔輒卒○冬蔡侯朱出奔楚○公如晉至河乃復

二十有二年春齊侯伐莒○宋華亥向寧華定自宋南里出奔楚○大蒐于昌閭○夏四月乙丑天

王崩○六月叔鞅如京師葬景王王室亂

王室非有告亂之文史承叔鞅言書之然則王室亂始此乎前此矣莊之子頹惠之子帶皆招外寇以作亂者而罪有所歸今景王崩嫡庶不分兩王爭立諸侯環視而莫知誰與亂非自外作也故特書曰王室亂

劉子單子以王猛居于皇

始亂者王子朝則其書劉子單子以王猛何以者不以者也兼治劉單與猛也亂之本由于嫡庶不分猛非命立之嗣劉單私奉所事以啓王

子朝之爭春秋之義端本澄源不以亂易亂
秋劉子單子以王猛入于王城冬十月王子猛卒
稱王猛別于王子之未立者稱子卒未踰年之
君也此史臣通例

十有二月癸酉朔日有食之

二十有三年春王正月叔孫舍如晉○癸丑叔鞅
卒○晉人執我行人叔孫舍

書行人對孫舍以執行人為義譏伯國之無政
也昭公七如晉而五見拒一不與盟臣而見執
其時六卿擅晉政出多門所以終失諸侯

晉人圍郊

郊王子朝邑據傳明年晉侯使士景伯蒞周問
故然後辭王子朝不納其使則圍郊時尚未察
於是非邪正之辨亦姑出師以塞責徐為觀望
地耳而春秋大書圍郊比之內圍叛邑之例所
謂書法也杜氏曰討子朝也非晉人能討之春
秋討之也

夏六月蔡侯東國卒于楚○秋七月莒子庚輿來
奔○戊辰吳敗頓胡沈蔡陳許之師于雞父胡子
髡沈子逞滅獲陳夏齧

志吳禍也敗六國之師君滅大夫獲殘民已甚也○公羊其言滅獲何別君臣也君死于位曰滅生得曰獲大夫生死皆曰獲

天王居于狄泉尹氏立王子朝

是時敬王稱東王朝稱西王春秋大書天王居于狄泉正名也立者不宜立也特書尹氏立王子朝黜子朝也曰敬王亦庶子也春秋何以於敬無譏詞曰王猛既卒敬以序立非爭也春秋正序立不予爭立故書法如此○凡嗣君即位未踰年稱子踰年稱爵史法也因史稱天王而

天王之修春秋法也

八月乙未地震○冬公如晉至河有疾乃復

稱有疾乃復殺恥也不得如晉也屢書至河乃復志不禮于大國也所以終辱於乾侯

二十有四年春王二月丙戌仲孫貜卒○叔孫舍至自晉○夏五月乙未朔日有食之○秋八月大雩○丁酉杞伯郁釐卒○冬吳滅巢

頻書吳滅州來滅巢著入郢之兆也入郢會黃池之漸也

葬杞平公

二十有五年春叔孫舍如宋○夏叔詣會晉趙鞅
宋樂大心衛北宮喜鄭游吉曹人邾人滕人薛人
小邾人于黃父

會于黃父謀王室也舉大夫大夫為政也王室

有難求助友邦常禮爾不書

子顏之難鄭統晉命于弭為我難諸

侯戌周封帶之難晉侯納王圍溫皆不書

今則圍郊會黃父會扈城

成周悉書之自景王崩天王播越數年諸侯不

奔問官守而諉命於其大夫春秋之教屬詞比
事傷王室久亂列侯之不勤王也

有鸛鵒來巢

記異也未幾而公有陽州之孫然則吉凶莫不有數焉曰理與數合者也師己之言舉數也樂祁叔向之論徵理也理數合而有其應故春秋不徒志災異也

秋七月上辛大雩季辛又雩

一月再雩黷祀也

九月己亥公孫于齊次于陽州齊侯唁公于野井唁失國常禮孔子備錄之譏齊晉忘大義而崇虛儀故傳曰其禮與其辭足觀矣

冬十月戊辰叔孫舍卒○十有一月己亥宋公佐

卷一
卒于曲棘

曲棘宋邑諸侯卒于其封內不地此何以地憂內也

十有二月齊侯取鄆

內邑也齊為我取之以居公

二十有六年春王正月葬宋元公

昭公在外而魯與宋晉鄭曹滕薛遣使會葬不廢喪紀乃意如專魯一切假君命行之故曰事君如在國

三月公至自齊居于鄆

鄭伯哭失國取櫟以居之衛侯衎失國取夷儀以居之皆書入此不言入而言居者內與外異詞

夏公圍成

借齊師圍之也齊以偏師從春秋大書之等諸內邑叛書圍之例所以討季氏之逐君

秋公會齊侯莒子邾子杞伯盟于鄆陵

謀納公也○陳傅良曰此參盟也參盟自桓公以來未之有也于是再見以晉之不復主盟也晉不復主盟而後齊專盟矣

公至自會居于鄆

公在外故也公至自齊自會如齊如乾侯凡五書至必繫以居于鄆者著失國也

九月庚申楚子居卒

楚子居即棄疾書卒義同夷吾

冬十月天王入于成周

書天王入于成周明非王城也襄王書出不書入入不失故地也今兩王爭立分據東西春秋以此為天下之大變特筆之比書天王入于成周城成周志天王不復入王城周轍益東無復

西京之望矣

尹氏名伯毛伯以王子朝奔楚

太子壽即世景王崩正儲未建羣庶爭立卿大夫各助其黨諸侯莫知誰與王子朝奔敬王入諸侯因而定之究其是非邪正當時未有確據也史臣書之孔子筆之然後知是非之所在矣觀於王猛書以王子朝書立知禍亂之原起於爭立矣悼敬書王朝書王子知序立之宜應在悼敬矣凡春秋之所奔皆罪也書王子朝奔楚知爭立之獄蔽罪子朝矣

二十有七年春公如齊公至自齊居于鄆○夏四月吳弑其君僚○楚殺其大夫卻宛○秋晉士鞅宋樂祁犁衛北宮喜曹人邾人滕人會于扈

會于扈令戊周且謀納公也不書納無納事也

不書戊周事無之書也

等諸常事不書之例

春秋自平丘

而後不復以伯事責晉黃父之謀啓于太叔會扈之請出於宋衛成周之城迫於王命名陵之侵合于劉文皆不以責晉也

冬十月曹伯午卒○邾快來奔○公如齊公至自

齊居于鄆

二十有八年春王三月葬曹悼公○公如晉次于
乾侯

家鉉翁曰自公孫于齊次于陽州繼書居于鄆
者四在乾侯者五如齊者三如晉者再皆聖人
特筆所以存公于魯愚按公孫在外而史臣于
歲首輒書公在凡喪葬會盟一切書之如公在
國季氏雖專國諸臣各守其職史氏之職未遂
遽廢此魯秉周禮之效所以亂而不亡

夏四月丙戌鄭伯寧卒○六月葬鄭定公○秋七
月癸巳滕子寧卒○冬葬滕悼公

二十有九年春公至自乾侯居于鄆齊侯使高張來唁公

孫齊之唁唁失國也至自乾侯之唁唁不得于伯也

公如晉次于乾侯○夏四月庚子叔詣卒○秋七月○冬十月鄆潰

鄆潰鄆自潰也公之不能撫其民也宜其終于乾侯

三十年春王正月公在乾侯

鄆潰故也寄在乾侯非其地不得書居史故歲

省每書所在

夏六月庚辰晉侯去疾卒○秋八月葬晉頃公○
冬十有二月吳滅徐徐子章羽奔楚

徐楚屬書滅徐著入郢之漸也

三十有一年春王正月公在乾侯季孫意如會晉
荀躒于適歷

公在乾侯而意如會適歷非諸侯之事何以書
為納公也

夏四月丁巳薛伯穀卒○晉侯使荀躒唁公于乾
侯

卷一
辭不納公也春秋書季孫意如會晉荀躒于適
歷晉侯使荀躒唁公于乾侯公薨于乾侯比觀
之而義自見

秋葬薛獻公○冬黑肱以濫來奔

公在乾侯而黑肱書來奔主於國言之濫邾邑
不繫國者公羊以為通濫存之備異詞

十有二月辛亥朔日有食之

三十有二年春王正月公在乾侯○取闕

孰取之公也鄆闕皆內邑而書取外公也譏公

失國尺地不為己有

夏吳伐越

晉既失伯中諸侯會盟無主而吳越進矣昭定
以後之春秋吳越之春秋也故雖吳伐越亦書
秋七月○冬仲孫何忌會晉韓不信齊高張宋仲
幾衛世叔申鄭國參曹人莒人薛人杞人小邾人
城成周

定王居也書天王居于狄泉書天王入于成周
書城成周重其事備其文也自平丘而後晉無
復諸侯之事凡書四大會二十五年黃父二十
七年于扈此年城成
周定四年皆王事爾伯事衰而復書王事其以豳
年召陵

風終變風義乎穀梁變正之說合于春秋
十有二月己未公薨于乾侯

春秋取義測 卷之十一

膠州法坤宏

定公

元年春王三月

元年春不書正月無事也隱莊元年之正月皆無事而書正月以正隱莊之不即位也若定之元年正月昭公之喪未歸定公之位未定無其事史故闕其文也春秋之修因闕文以見義凡先君薨嗣君立殯而即位常禮也春秋於羣公皆不書而定公特書之改元之正月為人君朝

正之始月大事也春秋於羣公皆書即不行即位之禮者亦書而定公特不書主人習其讀而問其傳可以知罪之在

晉人執宋仲幾于京師

王者所居稱京師宋仲幾以城成周執所謂京師成周也時王城為朝黨所據王入于成周正其名曰京師乃撥亂反正之義

夏六月癸亥公之喪至自乾侯戊辰公即位

殯而即位也定正月未得即位六月癸亥公之喪至自乾侯戊辰乃即位特書日以志變禮王

克揆曰殯而即位與正月即位是兩禮此禮亦
十二公所同孔子不錄他公而獨錄定公所謂
以書不書見義也

秋七月癸巳葬我君昭公○九月大雩○立煬宮
煬公考公之弟弟繼兄立故季氏援以為典立
煬宮季氏志也

冬十月隕霜殺菽

穀梁未可以殺而殺舉重可以殺而不殺舉輕
其曰殺菽舉重也

二年春王正月○夏五月壬辰雉門及兩觀災

雉門兩觀魯朝廟制也因災變著錄之

秋楚人伐吳

書楚人伐吳吳與同盟故也吳見伐之有關中國晉人啟之也自晉通吳以制楚而吳楚構禍見于春秋楚七伐吳吳終入楚遂與晉爭伯主盟黃池春秋備書之

冬十月新作雉門及兩觀

宮廟災未有不新作者新舊不書特書新作譏新作也雉門即僖新作之南門遇變而不知革又重新之仍僭也書作以見不當作也

三年春王正月公如晉至河乃復

晉政多門志不在諸侯故來朝者多以故辭

二月辛卯邾子穿卒○夏四月○秋葬邾莊公○
冬仲孫何忌及邾子盟于拔

四年春王二月癸巳陳侯吳卒○三月公會劉子
晉侯宋公蔡侯衛侯陳子鄭伯許男曹伯莒子邾
子頓子胡子滕子薛伯杞伯小邾子齊國夏于召
陵侵楚

討王子朝也王室之亂朝奔楚故劉子主為此
會大司馬九伐之法曰負固不服則侵之大書

侵以正王事

夏四月庚辰蔡公孫姓帥師滅沈以沈子嘉歸殺之

侵楚而滅其與國譏遷戮也

五月公及諸侯盟于皐鼬

會召陵之諸侯也稱諸侯前目後凡時蔡楚構難諸侯為是盟皐鼬以謀之書公及明非晉主

據僖九年諸侯盟于葵丘不書公及

杞伯成卒于會○六月葬陳惠公○許遷于容城

○秋七月公至自會○劉卷卒

本劉子會諸侯而終言之以會卒也

葬杞悼公○楚人圍蔡○晉士鞅衛孔圉帥師伐鮮虞○葬劉文公

王臣之卒葬不志特書葬劉文公錄王事也召陵之會劉子一呼同時應者十有八國桓文之合諸侯未有若此之盛者于以見人不忘周而天下之大可為劉卷卒西周因以不復傷王事之有闕特錄而葬之

冬十有一月庚午蔡侯以吳子及楚人戰于柏舉楚師敗績楚囊瓦出奔鄭

楚人圍蔡同盟諸侯環視而莫之救蔡乃以吳師敗楚入郢譏中國之不能蠻夷所由進也楚敗而吳張中諸侯悉受其憑陵春秋特筆之

庚辰吳入郢

郢楚之國都敗其師入其都吳寢強也敗楚稱子錄其君也入郢稱吳一役而再有事從其恒稱史略詞

五年春王三月辛亥朔日有食之○夏歸粟于蔡皐鼬之盟故也盟皐鼬以謀蔡楚人圍蔡不能救相與歸粟焉獨言我歸者明諸侯之自相歸

無伯之詞也

於越入吳

越人來告也吳入郢越入吳晉既失伯楚亦寢
衰南北之從漫無所歸一而吳越進矣春秋所
以書也

六月丙申季孫意如卒

意如之卒無譏詞季孫逐君而定受其位不譏
意如歸其責于定公

秋七月壬子叔孫不敢卒○冬晉士鞅帥師圍鮮
虞

六年春王正月癸亥鄭游速帥師滅許以許男斯歸

于宋之役許鄭同與會盟大書鄭滅許譏南北皆失伯權中諸侯自相滅亡

二月公侵鄭

陪臣執國命也季氏舍中軍民不在公公不得為政意如卒陽虎專國侵鄭之役假公命以出師不言肅者陪臣微賤名不登于史策

公至自侵鄭○夏季孫斯仲孫何忌如晉

獻鄭俘也斯忌並使命不專季孫也時陪臣執

國命二卿皆為席所使
秋晉人執宋行人樂祁犁

晉政多門諸侯大夫各有所主祁犁主趙氏故
范氏執之李廡曰此為晉三卿內叛之始亦宋
叛伯之始

冬城中城○季孫斯仲孫何忌帥師圍鄆

斯忌並帥政不專季孫也鄆前潰入齊齊人歸
鄆陽關陽席居之以為政鄆不服故二卿帥師
圍鄆書法與斯忌如晉正同

七年春王正月○夏四月○秋齊侯鄭伯盟于鹹

鄭叛晉也諸侯特相盟天下之無伯也五伯衰
七雄出春秋變而為戰國生民之禍烈矣無伯
天下之大故也○陳傅良曰特相盟自齊桓以
來未之有也於是再見是故石門志諸侯之合
于鹹志諸侯之散

晉人執衛行人北宮結以侵衛齊侯衛侯盟于沙
衛叛晉也

大雩○齊國夏帥師伐我西鄙

鄆故也

九月大雩○冬十月

八年春王正月公侵齊公至自侵齊○二月公侵齊

報國夏之伐也陽虎擅命出師而兩侵齊皆書公乃史文記事體例春秋特筆之直若歸命于公者此欲赴公山以魯為東周之義

三月公至自侵齊○曹伯露卒○夏齊國夏帥師伐我西鄙公會晉師于瓦公至自瓦

于瓦之師救我也公會晉師于瓦公至自瓦未來救也時三卿並帥羔雁分張齊師言伐而晉師不言救師原不以救名也此春秋書會晉師

于瓦之義

秋七月戊辰陳侯柳卒○晉士鞅帥師侵鄭遂侵衛

頻書士鞅帥師趙鞅帥師政在大夫也為下三卿叛起文

葬曹靖公○九月葬陳懷公○季孫斯仲孫何忌帥師侵衛

晉令也時惟魯從晉故為晉侵衛

冬衛侯鄭伯盟于曲濮

結叛晉也

從祀先公盜竊寶玉大弓

昭公始從祀於廟也意如逐昭公客死于外不得以時歸葬從祀之禮闕如意如卒陽虎專命不順三桓之所為至是從祀先公竊寶玉大弓而有之盜謂陽虎孔子以從祀禮也而盜竊則亂也因盜竊之變常見祀禮之反正特筆之

九年春王正月○夏四月戊申鄭伯蠆卒○得寶玉大弓

寶玉大弓先公分器國之事守也故失之書得之書得謂得之陽虎虎奪季孫而歸于公自虎

卷二
言之謂之竊自國言之謂之得春秋因盜發而
著明之錄其得乃以昭其失公羊子所謂微詞
也

六月葬鄭獻公○秋齊侯衛侯次于五氏

比書次義繫于次也窺晉也志齊景圖伯也

秦伯卒○冬葬秦哀公

十年春王三月及齊平

齊魯連歲構兵至是始平書於經者釋怨安民
本是善事

夏公會齊侯于夾谷公至自夾谷

書會不書盟無盟事也是會也孔子為相
晉趙鞅帥師圍衛

時衛叛晉與齊合

齊人來歸鄆讎龜陰田

平故也書來歸齊人服義而歸也三田齊取之
我者夾谷之會晏嬰勸齊侯歸田以謝過

叔孫州仇仲孫何忌帥師圍郕

家臣叛也據傳侯犯以郕叛經不書非國事也
不書叛而書圍以為必當有受其罪者此春秋
治陪臣之法

秋叔孫州仇仲孫何忌帥師圍郕

再書圍郕家臣強也

宋樂大心出奔曹宋公子地出奔陳○冬齊侯衛侯鄭游速會于安甫

齊景主會也

叔孫州仇如齊

郕故也郕叔孫私邑叛入于齊齊人致之

宋公之弟辰暨仲佗石彊出奔陳

特書暨罪暨之者也辰以公子地故而自絕于

兄又暨仲佗石彊與之偕奔佗彊身為卿佐有

君不事而暨辰出奔皆罪也弟不弟臣不臣直書而義自見

十有一年春宋公之弟辰及仲佗石彊公子地自陳入于蕭以叛

辰叛矣仍書宋公之弟何辰以弟故責望于兄是以弟叛也義繫于弟故重以弟書

夏四月○秋宋樂大心自曹入于蕭

晉齊伯國也魯宗國也宋王者之後也時六卿擅晉田氏竊齊三家專魯宋則連年大臣內亂誅殺奔叛不絕書春秋詳志之示政逮于大夫

之明鑒

冬及鄭平叔還如鄭莅盟

及鄭平始叛晉也陳傅良曰書翰平以志諸侯之合書及鄭平以志諸侯之散此春秋之所以始終也

十有二年春薛伯定卒○夏葬薛襄公○叔孫州仇帥師墮郈

時邑宰數叛三卿患之仲由為季氏宰建議墮都故叔孫首帥師墮郈

衛公孟彊帥師伐曹○季孫斯仲孫何忌帥師墮

費

案公羊孔子行乎季孫三月不違曰家不藏甲邑無百雉之城于是墮郈墮費

秋大雩○冬十月癸亥公會齊侯于黃

齊景主盟也隱六年盟于艾齊魯為盟之始此
年盟于黃齊魯為盟之終

十有一月丙寅朔日有食之○公至自黃○十有
二月公圍成公至自圍成

書圍不書墮弗墮也書至自圍成成服也○王
室亂而劉子有召陵之會家臣叛而孔子有三

都之墮此大有為之兆也兆足以行矣而不行
吾道窮矣春秋所以終于獲麟
十有三年春齊侯衛侯次于垂葭

伐晉河內

夏築蛇淵囿○大蒐于比蒲○衛公孟彊帥師伐
曹○秋晉趙鞅入于晉陽以叛

高閔曰鞅入晉陽以拒范中行而不知投鼠忌
器之義故聖人直名曰叛以著其不由君命專
土興兵之罪

冬晉荀寅士吉射入于朝歌以叛晉趙鞅歸于晉

趙鞅以地正國律以忌噐之義罪無所逃故書
叛之文與荀寅士吉射一施之鞅歸不書復與
元咺孫林父異詞者君與其歸也

薛弑其君比

十有四年春衛公剋戌來奔衛趙陽出奔宋

公剋戌將去夫人之黨夫人訴之衛侯逐戌與
其黨家鉉翁曰書三大夫之奔著衛亂所從始
二月辛巳楚公子結陳公孫佗人帥師滅頓以頓
子牂歸○夏衛北宮結來奔○五月於越敗吳于
檣李吳子光卒

經書於越敗吳入吳事甚詳而吳伐越僅一見至棲越于會稽則不書蓋吳光以戰卒復讎之師不可以已故特以不書見義

公會齊侯衛侯于牽公至自會

頻書齊景主內外盟會成乎伯也

秋齊侯宋公會于洮○天王使石尚來歸脤

天王歸脤諸侯常禮耳何以書此春秋之終也時王室益以微諸侯益以無王朝聘會盟之事無一可書天子之在者惟祭與號孔子以歸脤分福諸侯乃王者事神治民之大端於終事特

書之自石尚歸脰後王室之志不復見于經

衛世子蒯聵出奔宋

貴戚無去國之義書世子出奔蒯聵叛父之罪著矣

衛公孟彊出奔鄭○宋公之弟辰自蕭來奔

鄭伯克段不稱弟正名為賊也辰猶稱宋公之弟者宋未嘗絕其屬籍史乃從文告而書春秋筆之著其以弟叛兄之罪

大蒐于比蒲邾子來會公

昭定之世蒐五見于紅不書大譏季孫之私也

于比蒲昌間四書大不與季孫之私也歸政于公也時中軍已舍公無民何有蒐邾子為會蒐而來書曰會公存公也亦志而晦之義

城莒父及霄

十有五年春王正月邾子來朝○麇鼠食郊牛牛死改卜牛○二月辛丑楚子滅胡以胡子豹歸胡頓皆會于召陵者特志其滅同盟之義也

夏五月辛亥郊

此以非時書

壬申公薨于高寢○鄭罕達帥師伐宋○齊侯衛

侯次于渠蔭

謀救宋也不書救非救也合謀以窺晉也

邾子來奔喪

邾子屈服于魯蒐來會正來朝喪來奔終于國
破身執恭而無禮不能遠恥辱之效春秋詳書
之以示誠

秋七月壬申妣氏卒

哀公之母也

八月庚辰朔日有食之○九月滕子來會葬

時益以無王羣侯交邦之禮悉廢晉齊楚之喪

葬魯君嘗躬往焉今邾滕二君來奔喪會葬春秋備書之

丁巳葬我君定公雨不克葬戊午日下昃乃克葬處事有常變未可執一先王治葬先事有卜臨時有宜禮以制其常義以通其變權乎常變之宜亦存乎仁人孝子之誠敬何如矣春秋兩書雨不克葬不期以日時期于克葬因事變示教義不以緩亟為譏

辛巳葬定公如

哀公立未踰年不及尊奉其母故卒稱如氏葬

稱定如史文也春秋筆之明僖公成風宣公敬
嬴之稱夫人皆非所宜書其正以見其不正焉
○王克揆云庶子為君為其母無服葬非所錄
也哀公雖未及尊崇其母而魯之尊崇所生已
成故事故史錄其葬而春秋特筆之以明非禮
不以子為君則妾母得卒之葬之如公羊氏母
以子貴之說

冬城漆

春秋取義測卷之十二

膠州法坤宏

哀公

元年春王正月公即位○楚子陳侯隨侯許男圍蔡

報柏舉也蔡於是乎請遷于吳○蔡吳與也此
年楚圍蔡陳楚與也六年吳伐陳陳蔡皆先王
封國嘗與中夏會盟時無王伯困于蠻夷而莫
之卹故其見圍見伐春秋備志之

躋鼠食郊牛改卜牛夏四月辛巳郊○秋齊侯衛

卷二
侯伐晉

列書齊衛伐晉伯統亡矣○陳傅良曰春秋之初諸侯無王者齊鄭宋魯衛為之也春秋之季諸侯無伯者亦齊鄭宋魯衛為之也

冬仲孫何忌帥師伐邾

哀公之編魯君臣伐邾圍邾凡五見而終於入邾以邾子益來宋君臣伐曹圍曹凡三見而終於入曹以曹伯陽歸時無王伯諸侯受兵禍不可勝書書其甚者

二年春王二月季孫斯叔孫州仇仲孫何忌帥師

伐邾取漕東田及沂西田癸巳叔孫州仇仲孫何忌及邾子盟于句繹

以邾事魯之謹而再伐其國疊取其田既要之盟後復圍入焉自是內外之盟皆不書以為不足書也

夏四月丙子衛侯元卒○滕子來朝○晉趙鞅帥師納衛世子蒯瞶于戚

書納不宜納也蒯瞶稱世子明非父之絕其子乃子之自絕于父春秋書世子蒯瞶出奔於靈公未卒之前而書晉趙鞅納世子蒯瞶於靈公

既卒之後罪蒯聵之義自見書于戚明未得入國

秋八月甲戌晉趙鞅帥師及鄭罕達帥師戰于鐵
鄭師敗績

列書晉趙鞅帥師及鄭罕達帥師戰夷晉于鄭
也時鄭叛晉與衛睦故救衛而與晉戰

冬十月葬衛靈公

蒯聵在戚而靈公書葬衛有君矣衛人廢蒯立
輒非嗣立之常春秋書衛人立晉何以于輒立
無譏詞曰此春秋所以討蒯也晉疑于嗣立故

書立若輒者本無立道春秋治其父弗及治其子也

十有一月蔡遷于州來蔡殺其大夫公子駟
蔡服于吳也于是吳方強盛楚圍蔡蔡請遷于
吳蔡殺其大夫公子駟遷故也州來吳邑

三年春齊國夏衛石曼姑帥師圍戚

討蒯聵也聵以子叛父春秋大書齊國夏衛石
曼姑帥師圍戚如圍宋彭城之例明內外臣民
皆義所得討予其討也然則春秋胡弗治輒也
曰衛之臣民義得討聵不得立輒討聵公法也

治也立輒私情也亂也春秋之法治治而不治
亂書齊衛圍戚而不書衛人立輒乃不治而治
之義○春秋無外諸侯自圍其邑之文惟宋圍
彭城衛圍戚兩見之一以討亂臣一以討賊子
此乃比事之教

夏四月甲午地震○五月辛卯桓宮僖宮災

雉門兩觀災書及延及之也桓宮僖宮不書及
同日並災也祖廟親盡則毀三家出于桓立于
僖故其宮獨不毀春秋因災變著錄之以示誡

季孫斯叔孫州仇帥師城啟陽○宋樂髡帥師伐

曹○秋七月丙子季孫斯卒○蔡人放其大夫公孫獵于吳

亦遷故也駟與獵皆不樂遷吳者殺之放之乃以說于吳

冬十月癸卯秦伯卒○叔孫州仇仲孫何忌帥師圍邾

四年春王二月庚戌盜殺蔡侯申

蔡人不安于遷故亂作盜即微者辟稱人故云盜

蔡公孫辰出奔吳

懼罪而出也

葬秦惠公○宋人執小邾子○夏蔡殺其大夫公
孫姓公孫霍

頻書放殺而不去其官明不以其罪

晉人執戎蠻子赤歸于楚

書晉人執戎蠻子赤歸于楚辟伯晉而京師楚
也然則春秋亦崇伯乎曰伯即古者方伯之稱
春秋之作以存王迹也帝降而王王降而伯五
伯雖假之而諸侯猶知有王無伯而會盟弔伐
之遺風不可復問夫子所為岌岌乎

城西郭○六月辛丑亳社災

亳社社之在亳者亡國之社存以示殷鑒志其
災書法同成周宣榭火

秋八月甲寅滕子結卒○冬十有二月葬蔡昭公
蔡制于蠻夷而君臣受其禍無所歸責討賊之
義至是而窮故昭公書葬

葬滕頃公

五年春城毗○夏齊侯伐宋

伯事也宋人伐曹執小邾子齊侯為是伐宋所
謂彼善於此者孔子猶錄之

晉趙鞅帥師伐衛○秋九月癸酉齊侯杵臼卒○
冬叔還如齊閏月葬齊景公

閏月書葬義同定公之書而葬以克不克為義
不以遲速為譏○王克掞曰喪事不數閏本謂
喪服不闕葬禮葬事卜日以視遠近非謂閏月
不可以葬也

六年春城邾瑕

邾瑕取之邾者魯有負瑕故稱邾瑕以別之如
稱魯濟之類從史文也

晉趙鞅帥師伐鮮虞○吳伐陳

吳楚爭伯也陳從楚圍蔡故吳伐陳十年楚伐陳吳救之陳服于吳也

夏齊國夏及高張來奔

高國奔陳氏獨擅齊矣荀范叛三卿專據晉矣故弑君之事以陳乞終侵伐之事以趙魏終

叔還會吳于柤

吳寢主中國也晉通吳敝楚卒有黃池之爭魯好吳叛晉卒有萊門之辱不自強而藉外援鮮有不啟戎招侮者比事觀之可得其義

秋七月庚寅楚子軫卒○齊陽生入于齊齊陳乞

卷二
弑其君荼

初景公欲廢長立幼陳乞不從景公卒乞殺荼
逆陽生而立之正也正則於荼何以稱弑已受
命矣李廉曰廢立之際大臣當據經守正守死
不回然後可不然必陷于大惡里克陳乞事正
同

冬仲孫何忌帥師伐邾○宋向巢帥師伐曹

七年春宋皇瑗帥師侵鄭○晉魏曼多帥師侵衛

○公會吳于鄆

比書會吳吳寢主中國也

秋公伐邾八月己酉入邾以邾子益來○宋人圍曹○冬鄭駟弘帥師救曹

書宋伐曹侵鄭圍曹鄭救曹時無王伯中諸侯
自相救伐

八年春王正月宋公入曹以曹伯陽歸○吳伐我
吳圖伯故為邾伐我次于泗上取城下之盟而
還伐我不言鄙明其直造國都

夏齊人取讎及闡

直書入邾以益來吳伐我齊人取讎闡不為婉
詞者隱公入許不言許男奔外伐我譏亟變也
皆言鄙齊歸鄆讎龜陰不言取

歸邾子益于邾

畏吳故也

秋七月○冬十有二月癸亥杞伯過卒○齊人歸
謹及闡

亦畏吳故也時吳圖伯治諸侯之相侵奪者

九年春王二月葬杞僖公○宋皇瑗帥師取鄭師
于雍丘

悉虜而俘之曰取觀左氏所載使有能者無死
以二人歸則殺人多矣春秋之末書取師者二
謝氏所謂著其禍之大者是也

夏楚人伐陳

陳即吳故也

秋宋公伐鄭○冬十月

十年春王二月邾子益來奔○公會吳伐齊
特書公會吳伐齊魯服于吳也

三月戊戌齊侯陽生卒○夏宋人伐鄭○晉趙鞅
帥師伐齊○五月公至自伐齊○葬齊悼公○衛
公孟彊自齊歸于衛○薛伯夷卒○秋葬薛惠公
○冬楚公子結帥師伐陳吳救陳

書鄭救曹志列國之無伯書吳救陳志中國之

無伯

十有一年春齊國書帥師伐我

古者天子守在四夷天子卑守在諸侯諸侯守在四鄰諸侯卑守在境內春秋大書吳伐我齊伐我戰于艾陵會于黃池譏中國皆亂四夷交侵先王禮樂征伐埽地無餘此匪風下泉微意也

夏陳袁頗出奔鄭○五月公會吳伐齊甲戌齊國書帥師及吳戰于艾陵齊師敗績獲齊國書

晉楚分伯而後南諸侯莫大于陳蔡吳遷蔡伐

陳而楚弗能爭北諸侯莫大于齊魯吳會魯伐齊而晉不敢問吳由是主中夏會黃池然則世運之升降治道之汙隆亦在乎人事爾後之君子知人之克勝乎天則知亂之可反為治矣

秋七月辛酉滕子虞母卒○冬十有一月葬滕隱公○衛世叔齊出奔宋

春秋書內外大夫奔者凡六十尤多在春秋之末其時政在大夫而以無道行之互相傾軋理勢所必然

十有二年春用田賦

初稅畝履畝而稅壞什一之法也殫民財也用
田賦計田加賦亂里廛之征也悉民力也

夏五月甲辰孟子卒

此昭公夫人取于吳謂之吳孟子者不稱夫人
不稱薨葬不以夫人之禮薨之葬之也義詳隱
二年子氏薨

公會吳于橐臯○秋公會衛侯宋皇瑗于鄆○宋
向巢帥師伐鄭○冬十有二月螽

十有三年春鄭罕達帥師取宋師于岳

四國圍戴鄭伯伐取為春秋書取之始雍丘于

出宋鄭取師為春秋書取之終沚伐禍變於此而亟

夏許男成卒○公會晉侯及吳子于黃池

書會書及別內外也列序諸侯而稱吳子吳主中國也○會盟征伐王事也五伯假之春秋每有取焉者以為雖假之諸侯猶知有王桓文沒伯事衰矣然辰陵于申楚主盟而晉不與于宋于弇楚大夫主會而晉君猶未與也今勾吳繼伯南北諸侯皆為所臣服黃池之會晉與我魯共奉為盟主王事終而伯事亦終嗣後會盟遂

不復志

楚公子申帥師伐陳

陳終服于吳也

於越入吳

吳既敗楚又主夏盟南北兩伯莫敢與爭焉然
吳方入郢而於越入吳矣方會黃池而於越又
入吳矣世衰道喪事變愈下而禍變亦愈亟春
秋備書之

秋公至自會○晉魏曼多帥師侵衛

春秋之末屢書趙魏帥師侵伐事以明其君不

在諸侯政出臣下此伯權所由壞晉國所由分
葬許元公

此鄭人所滅之許也卒之葬之復見於春秋之

終聖人於興滅繼絕蓋汲汲焉

義詳僖二十
年部子來朝

九月螽○冬十有一月有星孛于東方

志天變也

盜殺陳夏區夫

志人禍也春秋之法微者窮諸人賤者窮諸盜
書盜殺蔡侯申書盜殺陳夏區夫國君卿大夫
而盜得殺之亂賊之黨窮於上下矣

十有二月螽

志異也九月螽十二月螽天災人禍至此已極
春秋所以絕筆

十有四年春西狩獲麟

此與鳳鳥河圖之歎同義顏淵死子曰噫天喪
予子路死子曰噫天祝予西狩獲麟子曰吾道
窮矣公羊傳深得經旨○孟子應叙堯禹以來
治亂而終以孔子之作春秋已之闢邪說蓋綜
帝王師儒通古今上下而言之宰我知聖人以
為賢於堯舜韓愈稱孟子以為功不在禹下正

謂此爾然則春秋者千聖治術之統匯孟子者
百家學術之疏濬也孟子述孔子作春秋之說
曰其事則齊桓晉文其文則史其義則丘竊取
之矣其自為說曰春秋無義戰非精於義者詎
易與於斯今折衷諸家之說歸于孔孟為取義
測焉迂齋法坤宏識

粵東省城西湖街六書齋刊刻

